

بویله برسیاستله تأسیس ایتدیله. بزیسه حالا تورکلك، عربلق، آرنادلق، غائله لريله هم کندمزی، هم کائناتی بحضور ایدیورز. الكصوك نقل ایتدیكمز حدیث شریفك مصداقجه، نه اولدیغمزی، نه اولاجغمزی شاشیره حق قدر ضرره اوغرادق. نصر و ظفر قوقوسنی ده آرتق آماز اولدق. نصر تجلی ایتسه بیلله فائده سندن محروم اولیورز. انذارك صوك قسمی قالیورکه اوده متحققدر. زیرا یکدیگرمزی بوغازلامقدن چکنمیورز. جناب حق جزای عملمز اولارق سیف قهری اوزرمزه تسلیط ایتمشدر. عقلی باشنده اولانلری دوشوندیره جک یالکیز برتقطه وار: عجبا کندی قلیجلمز دشمن قلیجلمزك آره به کیرمسنه میدان براقه جقمی؟.....

احمدنیم

فَقْرٌ وَفَتْاؤُیْ

منشأ خرافات اسلامیتك خرافات حقنده کی احکام

ارشادیه و تحریمیه سی - رؤیا

امین رؤف امضایله آلدیغمز بر مکتوبده شویولده اداره لسان ایدیور:

«معلوم یا بزده کوکشمش بعض اعتقادات واردر: یولده اوکه شو چیقارسه اوغور، بوچقارسه متمر: رؤیاده شونی کوزیرسه ک زنکین اولجسک، بونی کوزیرسه ک باشنه فلاکت کله جک: بوقیلدن مانع تشبث و ترقی شیلر. شریعت غرای احمدیه ک بوخصوصده کی نقطه نظری نه در؟ بویولده اباطیله اعتقادی ناهی کتساب وسننده نه کی احکام منجیه وار؟ بوجهلرک ایضاحی الخ»

امین رؤف بک افندیله بویابده بزده تمامیه هم فکرز. فی الحقیقه اقوام سائره کی بزده ده دین مبین نامنه سبجل خرافاته کچیرلش برحق اباطیل واردرکه انسان بونلری کوردکجه، ایشیتدکجه اغلامقمی، یوقسه کولمکمی لازم کله جکنی جداً تعیندن عاجز قالیور. نورحق و حقیقتله تنویرمسلاک ایده مین ادوار جاهلیتک مواریث مشومه سندن اولان برطاقم اعتقادات باطله ک بین الامم تقسیمنده مع التأسف بزم حصه مزده برحق شیلر اصابت ایتمی غایت طبیعی ایدی. فقط اوله اصابت که بزم ایچون محض مصیبت اولمش.

امین رؤف بک افندی ک سؤاله جواب ویرمه دن اول اوتنه دنبری انسانلری تأثیرینه زبون ایدن عقائد باطله ک منشأ نه دائر برایی سوز سولک ایسته یورز. واقعا سولنه جک سوزلرک بک اوقدر صده تعلق یوقسه ده صره سی گلش ایکن سولنه سنده بر محذور اولسه کرک. شو حالده ویرله جک جواب کندیلرینه، جواب مناسبتیه یازله جق دیکر سوزلرده دیکر کیسه لره عائد اولمش اولور.

انفسی وافاقی هر درلو حادثاتک اسباب موجبیه سی اکلامق حس

اسلامک بی نشان اولارق یالکیز تاریخ کتابلرینک موضوعاتی میاننده قالماسیدر.

قوم و عنصر نزاعی! دین اسلامک ایشته بونک قدر بغض ایتدیکی، بوندن زیاده نفرت ایتدیکی شی یوقدر. انساب و احساب ایله تفاخر، بر قوم و قبیله یه انتساب کی عادات جاهلیه یی کوکندن کسمک ایچون صاحب شریعت صلی الله علیه وسلم افندمزک نه لر سولنه دیکنی، بوجاهلانه عصیتلر ایچون نه درلو غضب بویوردقلرینی بیلسه ک توایلر مز اورپریر. ابی بن کعب رضی الله عنهدن روایه امام احمد ایله ترمذینک تخریج ایتدکری حدیث شریفده باقکیز نه بویوریلور: «اذا رأیت الرجل یتعزى بعزاء الجاهلیة فاعضوه بهن ابیه ولا تکنوا = برکیسه نك جاهلیت عادتی اوزره (یالفلان) دییه رک، قوم و قبیله سنه انتساب ایده رک استمداد ایتدیکنی کورورسه کز اوکا: «باباکک بیلیم نه سنی ایصیر» دییکز. و بوسوزی آچیق آچیق سولیه رک کنایه طریقه صامیکز» حیا و نزاهتده معلم عالم اولان رسول اکرم صلی الله علیه وسلم افندمزجه اسلامه انتسابی بر اقوبده قوم و قبیله یه انتساب ایتنه ک نه قدر چیرکین اولدیغنی آکلاسیکزه بویله یاپان حریفه قارشى کنایه ایله افاده مرآمدن بیله بزى نهی ایتش وحتی آبا و اجدادی مقام تفاخرده تعداد ایدن برکیسه حقنده کنایه سز اولارق بوتعبیری عیناً استعمال بویورمشلردر.

ابوهیرره رضی الله عنه روایت ایتدیکی شو حدیث شریفده قوم و قبیله نزاعنک عاقبت خجیه سنی بزه کوستیور:

«اذا قالت نزار یا نزار وقالت اهل الیمن یا قحطان نزل الضرر ورفع النصر وسلط علیهم الحدید = نزار اولادی: یتشک ای نزار اولادی! یمیلدره: یتشک ای قحطان اولادی! دیدیمی هان ضرر نازل اولور. نصرت الهیه رفع اولونور. جمله سنه ده قلیج تسلیط اولونور.»

بدایت فتوح اسلامده محارباته اشتراک ایدن بنی سلیم قبیله سندن قیصه نامنده برذات دیورکه: خریبه دنیلن موقعده عتبه بن غزو انک اردوسنده بولتیوردم. عتبه (اردونی طویلامق ایچون اولاجق) «یا اصحاب سورة البقرة!» دییه ندا ایتدی. اوتنه دن بری ده «یا آل شیبان!» دییه باغیردی. بوباغیرتی بی طویجیه هان اوزرینه یورودم. اوایسه مزراغنی بکا طوغرولتوب «صاوول اوکمدن!» دیدی. المده کی یای ایله مزراغنی کندمدن اوزاقلاشدیروب صقالنه یایشدم وعتبه ک حضورینه کورتوردم. عتبه اوآدم حقنده عمره برکاغد یازدی. جناب عمر جوابنده: «بویله جاهلیت دعواسی ایتشکن اونی بنم یانمه کوندرمش اولیدک جلاد قارشینه قویوب بویوننی اورودم. زیرا بوکا لایقدر. فقط مادام که حبس ایله اکتفا ایتمشک. آرتق اولدورمه ده یانکه چاغیر. ویکیدن عهدوبیعت آله صالیور.» دییه یازدی.

اسلامک مؤسساری وصف عظمتی تاریخلرده اوقودیغمز شوبنای معظمی حضرت رسول اکرمک (صلی الله علیه وسلم) اثر تلغینی اولان

فطریسیله مجبول اولان انسانلر وادی تدقیقاته . طوغری یولدن کیتمشلر ایسه طوغری نتیجه لر ایلده ایتمشلر ، یا کلش یولدن کیتمشلر ایسه یا کلش نتیجه دسترس اولمشلردر . فقط ایستر استفاده ایدلسون ایستر ایلمسون ، علامه هیچ برسی هدر اولماز ، رنقطه نظره کوره هدر اولمش کی کورینن برسی ، دیگر رنقطه نظره کوره اصلا هدر اولماشدر . فکر منزی مؤید مثال بک چوقدر .

مثلا بر زمان انسانلر معادن خسیسه بی التونه قلب ایتک سودای خامه دوشدیلر . خسیس معدنلری التونه قلب ایدیم دیرکن کیمیا بوتلرنده نیجه الترلری مواد خسیسه به قلب و تحویل ایتدیلر ! فقطینه سغیلری هدر اولدی ، محاله مصروف اولان بومساعی بوکون جهان انسانیتی التونلره غرق ایدن فن صحیح کیمیا نك منشأ ظهوری اولدی . کذا اوائلده آثار سفلیه بی مؤثرات علویه نك تأثیرنده اریوب یروزنده ظهور ایدن حادثات کافه سنی اجرام سماویه نك تدبیر و تصرفه عطف ایتدیلر . بوسائقه خطا آلودک دلالتنه اتباع ایله کوزلر بی فستحسرای اسانه توجیه ایدرک هر بری کندی حسابنه مدارنده سائر اولان ییلدیزلرک حرکاتی تدقیقه باشلادیلر . فقط مقصد تمامیه بشقه اولدینی ایچون تدقیقات نظریه لری انکشاف حقیقت قدر توسیع خیاله ده خدمت ایتدی ؛ تدقیقات نظریه لری نك تطبیقات عملیه سی و دی خرافاته یول آجادی ؛ اودورلرک عالم لری طرفندن علم نجوم نامنه لایعد خرافات مجموعه لری تألیف ایدلدی . بوصورتله عالم انسانیت وهم دریاسنده بوغولدی . لکن انسانلرک برچوق محاذیری متضمن اولان بومساعیلری ینهدر اولدی . زیرا علم نجوم کندی جنسندن دیگر برفن علوی نك ، هیئت جدیده نك اساسی وضع ایتدی . بوفن جلیلده ، کنیدیسی قبه سما کی تخیل اولنان فانوس نسیمینک ایچنده محبوس ظن ایدن طائر قدسی فکرتی بولندیی تنکنای اضطرابدن تخلص ایله اکا نامتناهی بر ساحة جولان کوستردی .

فقط چه فائده فن نجومک استحالات تکاملیه سی شمیدیکی درجه به کلنجه به قدر دنیانک هر طرفنده برچوق بقایای استحالیه براقیدی که بیکلرجه دست مساعی حالانلری تمیزلمکه ، سوپورمکه موفق اوله میور . کیمیای موهومک دائره خرافاتی نسبه محدود قالمقله برابر نجومک کی الایدیکنه توسیع ایتدی ؛ نجوم ، لایعد خرافاتک ، لایعد اباطیلک ام ولودی اولدی . لسان یونانیده حکایه ، مصال معناسی تضمن ایدن « ایستوریا » لفظیله لسان عربده افسانه و خرافه معناسی افاده ایدن « اسطوره » و « اساطیر » کله لرینک یونان لساننده ییلدیز معناسی متضمن اولان « آسترون » کله سندن مشتق اولملری شجره انساب اکاذیبک کوکی علم نجوم اولدیغنه دلالت ایلکده در .

حتی بزم « تاریخ » کله سی ده « ایستوریا » کله سنک محرفیدر ؛ وجه تحریفک تحریری اعلال شکلی الاجفندن تفصیلندن صرف نظر اولندی .

علم نجوم وادیسنده ایلک خطوه بی آتان کلدانیلردر . بو علم کلداندن

ایرانه ، ایراندن هنده ، هندن مصره ، مصردن یونانستانه اورادندن ده بتون اوروپایه انتقال ایتدی . خسوف و کسوفک منجملر طرفندن قبل الوقوع اخباری بو علمک صحنی حقه کیمسه ده شبهه براقیدی . عوام و خواص اوکی حادثات سماویه نك تعین وقته کی اصابت قطعی بی کوروب نجومک مسحوری اولدی . منجملرک هر سوزی هر کس طرفندن نص منزل کی تلقی ایدلدی . مرور زمان ایله علم نجومه حیاتک حاکمی ، ناظمی نظریله باقیلیدی . منجملر حکمدارلرک مشاور خاص الخاصی اولدیلر . حکمدارلر انلرک خبر ویردکلری هر شیده تخلف نایدیر بر اصابت توهم ایدرک ، سمای غیب هویتدن استراق سمع ایدن بر طاقم شیاطین انسک دلداده خرافاتی ، زبون تحکمی اولدیلر . هر تشبثلرنده انلردن رأی صور دیلر . حربی انلرک رأیلریله اعلان ، مبانیه انلرک رأیلریله طرح بنیان ایتدیلر . منجملرک وقت مختاری معظمت امورده انحصار دائره سنده قالمدی . مثلا ازدواج عقدی ، ازدواجه متعلق بعض لوازمک اجراسی کی شیلرله اثواب ییمک ، تراش اولمق ، حمامه کیرمک ، طرناق کسمک ، سفر ویا نقل خانه ایتک کی ضروریاتک کافه سنده ده وقت مختار اراندی . ایش بودرجه بی بولدقندن صکره برچوق یالانلر ، برچوق خرافه لر میدان آلدی . بوافسونلری ، بوافسانه لری حاوی لایعد زارچهلر ، تقویملر ترتیب ، ملحمه لر بیلمم نهلر تألیف ایدلدی . هر کس طرفندن بو اثرلره کتب سماویه نك ذیلی ، بلکه ده متممی نظریله باقیلیدی .

کذا علم نجومک تلقینی ایله تعمیم ایدن افسانه لر یالکرا و علمه منحصر قالمیوب مرور زمان ایله نردن بشقه علملر ، بشقه عالم لره ظهور ایتدی . مثلا منابع خرافاتک اک مهملرندن اولان روما « اوغور » لری ، یعنی متطیرلری بو قیلدندر . لاینجه : کله اولان بو « اوغور » لفظیله ترکیه « اوغور » کله سی بیننده کی مشابیهت جالب دقتدر . اوغور دن ، یاخود اوغور سزلقندن بحث ایدن بو کاهنلر قوشلرک اوچه سندن ، قاحه سندن ، اوتمه سندن ، صوصمه سندن برچوق احکام استنباط ایتدکلری کی خسوف و کسوفدن ، رعد و برقندن ، قویروقلی ییلدیزلردن ده درلو معنالر ، درلو حکملر چیقاریرلر ایدی . او زمان صحنه خرافاتده اک مهم رولی اجرا ایدنده حال او طیفه عهد سندن ساقط اولمیان بوغو قوشی ایدی . لسان فارسیده بایقوش معناسی افاده ایدن « آکور » لفظیله لاینجه « اوغور » کله سی بیننده کی مشابیهت ده شایان ملاحظه در .

(بایقوشک اسم مشهوری اولان « بوم » لفظی الفاظ متوارده دن ،

یعنی هم عربی هم ده فارسیدر)

آهووزننده « آکو » و شو بووزننده « اوکو » کله لری ده بایقوشک اسماء فارسیه سندنر بواسم لرک ده « اوغور » لفظیله مناسبتی واردر . اسکی رومالیرک « اوغور » لردن بشقه برده « آروسپیس » لری وار ایدی ؛ بونلر معبدلر ده ذبح اولنان قربانلرک احشای بطینه لرینه بانوب انلردن درلو معنالر چیقاریرلر ایدی . « آروسپیس » لر احشای

اوکنه شو چیقارسه اوغور ، بوجیقارسه مضر ، سوزینک عینی ایدی .
عربلر صید و شکاره کیتکه کلری زمان شکار آوجینک صول طرفدن ظهور
ایدوب صاغ طرفه کچرسه اکا « سناخ » دیرلر ، انکله تین ایدرلر
عکس طرفدن ظهور ایدم جک اولورسه اکا « بارح » دیرلر انکله
تشانم ایدرلر ایدی !

رومانک « اوغورلر » ی کبی عربلرده قوشلرک ، خصوصیه
باقوشک اوتمه سندن احکام چیقاریرلر ایدی . بوده پک طبیعیدر .
چونکه دنیانک هر طرفده حکمفرما اولان خرافاتک منشألری
بر اولمق حسیله بونلر یا بربرینک عینی ، یا خود ملزیدر . نته کیم
زمانزده موجود اولان فالجی قاریلرله باشلی نهلر ، خدام صاحبی
خواجه لر اسکی کاهنلرک احفاد و اخلافتدن بشقه برشی دکلدیر .
عربلرک دها پک چوق خرافه لری رارایدی . هپسنگ اعدادی
پک اوزون اوله جفتدن تطویلدن احتراز اولندی .

وقتا که شمس اسلام افق بطحادن ظهور ایله ظلمت اباد ضلال
آواره لرینه طریق حق و حقیقتی کوستردی ، بوکی اباطیل ایله خلقی
برقاندها اضلال ایدن یاوه فروشانک باشلرینه قطعی بر ضربه تنکیل
ایندیردی . هپسنگ افکاری فاسد ، کفتاری کاسد اولدیغی خلقه
بیلدیردی .

حتی جناب حق حبیب ذیشانک بیه امور غیبیه مطلع اولدیغی
« قل لا اقول لکم غدی خزائن الله ولا اعلم الغیب ولا اقول لکم
انی ملک ان اتبع الا ما یوحی الی » آیت کریمه سیله ناسه بیلدیررک
غیبه وقوف ادعاسنده بولنان هرزه وکیللرک دعوائی کاذبه لرینی قطعی
بر حکم الهیسیله ابطال ایندی .

آیتک معناسی شودر : (یا محمد سن دی که : « بن سزه اللهک
خزینهلری بنم ید تصرفده در ، بن غیبی بیلیرم دیم یورم . ملکک
ادعاسنده بولنیمورم . بن انجق بکا وحی اولنان شیلرک مقتضاسنه
تبعیت ایدیورم . »)

هله « وعنده مفاتیح الغیب لا یعلمها الا هو » آیت کریمه سی غیبیدن خبر
ویرمک ادعاسنده بولانلرک لسان فضاحتلرینی سیف صرم کبی دینندن
کسوب آتدی . سوره مائده منسوب اولان « یا ایها الذین آمنوا انم
الحمر والمیسر والانصاب والازلام رجس من عمل الشیطان فاجتنبوه
لعلکم تفلحون » آیت کریمه سیله شراب ، قمار ، اصنام منصوبه ، و تقال
سهامده تحریم بیورلدی .

تطیره کلنجه بوکله نیک ماده اصلیه سی قوش معناسنه اولان طیردر
تطیر تشام معناسنه موضوع ایسه ده بعضاً تین معناسنی ده افاده ایدر .
عربلر برایشه مباشرت ایدم جکلری زمان تقالاً بر قوش اوچوریرلر
ایمش . قوش صاغ طرفه کیدرسه فال خیر ، صول طرفه اوچارسه فال
شر عد ایدرلر ایمش .

ابوهرره دن نقل اولنان بر حدیث شریفده « لاعدوی ولا طیره
ولا هامة ولا صفر وفرمن المجذوم کما فرمن الاسد » بیوریلوب

حیواناتدن بشقه ارضی ، سماوی دیگر حادثاتدن ده استخراج احکام
ایدرلر ایدی . حالا قبونلرک کورک « یکینه باقوب احکام چیقارمق
اودورن قالمه صاحمه لرنددر .

رومانک « سبیل » دینلن کاهنلرینی ده اونوتیمه لم . روما خاقی
دائماً بوقادینلره مراجعت ایدرلر ، انلرده کشف استقباله دائر عالم
غیبیدن الدقلری معلوماتی تکرارمه صورتنده ایراد ایتدکلری بر طاقم
جل مبهمه ایله مراجعه کارانه تبلیغ ایدرلر ایدی . بونلردن بزی
رومانک احوال مستبلا سینه عائد استخراجاتی حاوی برزایرجه بی ایمپراطور
برنجی تارکینه صاعمش ، فقط بواثر « قایتول » یاغیتنده یاغمش ایدی .
هاتفلرکده تعمیم خرافاته بیوک خدمتلری اولدی . هر هانکی
برشی ایچون معبودلره مراجعت ایدن کیمسه لره انلرک جوابلرینی تبلیغه
واسطه اولان بو آدملر ، بر زمانلر آسیای صغری ایله یونانستانده ،
ایتالیاده نام ویرمشلر ، عوام و خواصی قبضه تسخیرلرینه آلمشلر ایدی .
خلاصه غایبدن خبر ویرمک دعوائی انسانیت قدر قدیمدر .
دنیا نیک هیچ بر یری یوقدرکه اوراده بر کاهن ، بر هاتق ،
بر منجم ، بر فالجی ظهور ایتمش اولمسون . بوندن طولانی ازمه
قدیمه بی تخطئه اصلا حقمز یوقدر . ایچنده بولمیدیمز یکرمنجی
عصر مدنیتده بیه یوز بیکلرجه آدملرک غیبیدن خبر ویرمک صنعتیه
تأمین معیشت ایتدکلری کوریلوب ایشیدلمکده در . حتی بونلردن
صادر اولان غرائب بوکون اک عاقل ، اک منور کچینلرمن بیه اینانمقدن
نظر حیرتله باقمقدن کندیلرینی آلامیورلر .

ماتینه تیزم ، اسپریتیزم ، اینوتیزم ، تله پاتی کبی شیلر یاواش یاواش بر
دور کهانت آچه حق کبی کورنمکده در . آنجق ادوار قدیمه ده کی
اصول کهانتله شمدیکی اصول کهانت بیننده بر فرق وارسه اوده
شمدیکی کاهنلرک دها قاعده پرورانه حرکت ایتلری ، تدقیقات
واقعه لرندن استنباط ایلدکلری نتایجی بر فن مخصوص صورتنده
تدوینه چالیشملریدر .

ایشته اقوام سائر نیک دوچار اولدقلری علت کهانتک سرایتندن
بالطبع قوم عربده محافظه نفس ایدممدی . منشأ خرافات اولان
علوم غریبه آنلر نزدنده ده بیوک بررغبته مظهر اولدی . دورجاهلیته
عربستانده بر چوق کاهنلر ، عرافلر ، منجملر ، فالجیلر ظهور
ایتدی . بناء علیه عربلرده خرافات دریاسنه دالدیلر . خرافات
عربیه نیک المشهوری اوقلرله تقال اصولی دیمک اولان « ازلام » در .
عربلر بر ایشه تشبیه ایدم جکلری زمان ایکی اوق آلوب بونلرک
اوزرینه امر ونهی متضمن ایکی کله یازارلر ، صکره بونلری بر قابک
ایچنه قویوب لاعلی النعین برینی آلیرلر ایدی . امر ویانهی یازلمش
اولان اوقلردن هانکیسی تصادف ایدرسه آنک مقتضاسی وجهله
حرکت ایدرلر ایدی .

عربلرک برده « سناخ » و « بارح » له تقاللری وار ایدی که
شکل اعتباریه امین رؤف پک افندینک « یوله کیدرکن انسانک

سرایت مرض ، تطیر ، بایقوش و یا صفرله تشام کی شیلرک اصلی فصلی اولدینی ناسه ییلدیرلدی . حدیث شریفده کی «عدوی» یعنی سرایت مرضک انکاری مطلق دکلدر . بونک دلیلی ده حدیثک نهایتده کی : ارسلاندن نصل قاچارسه کز مجذومدن یعنی مسکین عتلیله مصاب اولان کیمسه دن ده اوله قاچکز . امریدر . بعض امراضک ساری اولدینی فقره اتیه دن ده اکلایلیر : بر کون رسول اکرم افدمنر حضرتلرینه بعض کیمسه لر کلوب «یا رسولاه بولندیغمز محله و باظهور ایتدی نه یاهلم ؟» دیه صوردیله . جواب اوله رق : «اورادن تباعد ایدیکز . زیرا خسته لرله اختلاط کز هلاکی موجبدر» بیوردیلر . (ان قوما شکوا الیه صلی اه علیه وسلم وباء ارضهم قال تحولوا لان من القرى التالف) قرف دیه ک خسته لرله اختلاط دیمکدر .

حالا بعض کیمسه لرک صفر آیلله تشام ایتلری زمان جاهلیتدن منتقل بر فکر فاسددر .

فقط حدیث شریفده کی صفر کله سنک معناسنده اختلاف وارددر . بعضیلری عربلر صفر آیینک حلولیله تشام ایتدکلرندن حدیث شریفده کی صفر کله سی معلوم اولان صفر آیدر دیورلر . بعضیلری ده صفر کله سنه بر طاقم کیمسه لرک قارنلرنده وجودینی توهم ایتدکلری موهوم ییلان معناسنی و یورلر . کویا بوییلان آجیقنجه انسانک قارنی ایصیرر ایش !

صفر کله سی ایستر او معنایه اولسون ایستر بو معنایه ، حدیث شریفده ایکینسک ده اصلی اولدینی بیان بیوریلور دیمکدر . «هامه» یه کلنجه بو کله یوقاریده سویلدیکمز وجهله ازمئه قدیمه دنبری سحنه خرافاتده جادوی شامت روانی ایفا ایدن مشهور آقتورک یعنی بایقو . شک اسمیدر . عربلرک بوقوش حقنده غریب اعتقادلری وارایدی . کویا مزارد میتک کیمکلری چورییوب بایقوش اولور ایش . بایقوش اولدقدن صکره قبردن چیقار ، بعض کیمسه لرک وفاتی خبر ویرمک ایچون خانه سنک طامنه قونار ایش !

دیگر اعتقاد ایسه کویا قاتلی اله کچیرله رک انتقامی آله میان مقتولک روحی بایقوش صورتنه تمثیل ایدوب : بکاصو ویرک ، بکاصو ویرک ! دیه فریاد ایدر ، قاتلندن انتقام الددقدن صکره فریادینه نهایت ویرر ایش . انسانلرک حریتی تحدید ، وهمنی تربیددن بشقه بریتیه یارامیان بوکی اباطیلک کافه سنه حدیث سابقله صورت قطعیله نهایت ویرلدی ، قره بلوط کی مفکرلره مستولی اولان ظلال اوهام و خیالات بو صورتله دماغلردن دفع ایدلدی .

حضرت عایشه بر کون رسول اکرم افدمنر حضرتلرندن «کهانتک اصلی وارمیدر ؟ دیه سؤال بیورمشلر ایدی . حضرت پیغمبر : خیر اصلی یوقدر بیوردیلر . عربستانده صیغه مبالغه ایله «عراف» دینلن بر طاقم کاهنلرده وار ایدی . رسول اکرم افدمنر حضرتلری بیوریلورلرکه بر آدم بر عرافه مراجعت ایدوبده اندن برشی سؤال ایلیه جک اولورسه قرق کیجه نمازی قبول اولنماز .

(عن حفصة قالت قال رسول الله صلى الله عليه وسلم من أتى عرافاً فسأله عن شيء لم يقبل له صلاة أربعين ليلة . رواه مسلم)

نجومه کلنجه انک ده اصلی فصلی اولدینی ودرجه درجه کفره قدر واردینی شوحیث شریف ایله ثابتدر : عن ابن عباس قال قال رسول الله صلى الله عليه وسلم من اقتبس باباً من علم النجوم لغیر ما ذکر الله فقد اقتبس شعبة من السحر المنجم کاهن والکاهن ساحر والساحر کافر . یوقاریدن بری سویلنن سوزلردن اکلایشیله جنی وجهله امین رؤف بک افدینک سوال ایتدیکی شیلره دائر کتاب وسنتده برشی وارسه اوده بوکی ترهاته قطعاً و قاطبةً اینسانماق لازم کلدکندن عبارتدر .

الیوم بر جوق کیمسه لرک حرکات و سکناتی تقیید ایدن اوکی اعتقادات باطله نک کافه سی ادوار جاهلیله یادکاریدر . بو اعتقاداتک اسلامیتله اصلا علاقه سی ، مناسبتی یوقدر . حال بویله ایکن اک زیاده حسن ظن اولنن ، علمیه عرفانیله تمیز واشتهار ایدن بر جوق بیوک آدملرمن قولاق چینلامق ، کوز سکیرمک کی شیلردن استنباط احکام ایله انلره دائر بر جوق اثرلر یازمشلر ، اکثر کیمسه لرده بو اثرلرک محتویات سخیفه سنه اعتقادی افراطه واردیره رق نشوملرینی ، متانتلرینی غائب ایتشلردر .

هله اکاذیب نجومه اعتقاد شرعاً منهی ایکن ملوک اسلامیه دن اکثرینسک خرافات منجمینه قوت ایمان درجه سننده بر اعتقاد ایله معتقد اولملری شایان حیرت ضعفلردندر .

رؤیایه کلنجه رؤیانک حق اولدینی نصوص قاطعه ایله ثابتدر . حضرت یوسفک معلوم اولان رؤیاسیله جناب پیغمبرک مسجد حرامه تبشیر دخوللرینی متضمن اولوب سورؤ فتحده بیان بیوریلان رؤیای صادقهلری ، بدایت نبوتلرنده الی آئی قدر رؤیای صادقاه ایله مظهر وحی الهی اولملری رؤیانک اساساً حق اولدیغنده قطعاً شبهه بر اقامق لازم کلیر .

بر کون جناب پیغمبر : نبوتدن انجق بمشرات قالمشدر بیورمشلرایدی ؛ مجلس رسالته حاضر بولنلر بمشرات نهدر ؟ دیه کندیلرندن سوال ایتدیلر ؛ جواب اوله رق : رؤیای صالحه در بیوردیلر . دیگر بر حدیث شریفده رؤیای صالحه نبوتک قرق الی جزؤندن بر جزؤدر بیورلمشدر . رؤیا حقنده دهاک پک چوق احادیث نبویه وارددر .

فقط شوراسی معلوم اولمیدرکه انبیاء اولیا وادفیانک کوردکلری رؤیالر ایله بوغازینه قدر ادناس ماسوایه باتان ، بعده سنی حلال و حرامدن بر جوق شیلره دولدرددقدن صکره فراش عطالته جان آتان کیمسه لرک رؤیاسی بنشده حقیقت ایله خیال ارسنده کی فرق عظیم قدر فرق وارددر . اکثریتک کوندوزکی خلیاسی نه ایسه کیجه کی رؤیاسی ده اودر . بویله رؤیالره نه اهمیت ویرملی ، نه ده تعبیر و تأویلی ایله اضاعه وقت ایتلی . شونک بونک کوندیکی رؤیالرک صدقنده کی ضعفدن کنسایه اولمق اوزره (کوریلن رؤیالر نبوتک قرق الی جزؤندن بر جزؤدر) بیورلمسی ، بناءً علیه

صومق سزین ایستدیک کی دوشونمک ، اوکرنمک وحس ایتمک حقنه مالکدر . بو ، هرکسک حقوق طبعیه سندنر .

فقط ، فردلرک بوخصوصده دائره صلاحیتی - هیئت اجتماعیتهک تأمین انتظامی ایچون - افراد سائرتهک صلاحیتلریله تحدیدایدلمشدر . هرهانکی برحکومت بو تحدید حقنه مالکدر . مع مافیه غایت ساده وبسیط اولان بو پر نسیب په داغوزی به تطبیق ایدلمک ایسته نلدیکی زمان پک چوق مشکلات ظهور ایدیور .

تعلیم وتدریس مسئله سیله فنی وعلمی برصورتده ایلک اشتغال ایدن افلاطوندن اعتباراً زمانمزه قدر کلوب کچمش اولان په داغوزی اربابنک افکار ووصایای آره سنده برنقطه ائتلاف بولمق حقیقه مشکل برکیفتدر .

حکومتلر ، افرادک تعلیم وتربیه سنه ، هیئت عمومیه تهک وبالنتیجه کنیدیملرینک منافع مشروعه سنی محافظه ایچون مداخله ایدرلر .

بومنفعت فرد ایچون اولدینی کی حکومت ایچونده اولایاشامق . ثانیاً دوام ایدمیلیمک خصوصتهک تأمینندن عبارتدر .

حکومت تأثیرت خارجییه قارش قوتلی بولمق ، داخلده ملتک حیات وسعادت سی محافظه ایدمیلیمک ایچون مملکتده متین برقوت تأمین وتأسیس ایتمک ایستر .

خارج وداخله قارش قوی وهیئت کورونمک برحکومت ایچون فوق العاده حائز اهمیت برکیفیت اولدیغندن حکومتلر زیراداره لرنده بولنان قوملرک تعلیم وتربیه لرینه یالکز نظارت ایتمکه اکتساید مزملر . منافع وطنیه ، آهنگ داخلی وتهلکه خارجییه نظر اعتباره آله رق انسال آتیتهک تعلیم وتربیه سنه طوغریدن طوغرییه مداخله ایدمیلورلر وایتمیلورلر . چونکه رفاه وسعادت عمومیه بونی استلزام ایدر . شو حالده مکاتب رسمیه ده اولدینی کی مکاتب خصوصیه ده ده درس پروگراملری تنظیم وتدریساتی قونترول ایتمک برحکومتک وظائف اساسیه سندنر . بوسیله مبنی درکه هیئت اجتماعیتهک منافع افرادک منافعیله توفیق ایتمک ونسل آتییه بواساسه کوره تعلیم وتربیه ایتدیرمک حکومتک اقدام وظائف صره سنده تعداد ایدلمکده در .

ملتده هر فرد برقوتدر . برچوچوق تعلیم وتربیه کورمز ویا بر هیئت تعلیمیه وظیفه سنی اکمال ایدرو یا خود کنج دماغلری ماتک سعادت ورفاهنی ، آهنگ عمومیه سنی اخلاص ایدمیلرک صورتده یا کلش یوللره سوق ایدرسه حکومت قوای مرکه سندن برقسمتی ضایع ایتش اولور . شو حال حکومتک عناصر حیاتییه سندن بر ویا برقاچنک مفلوج قالمسنی ویا خود یا کلش یوله صابمسنی نتاج ایدر . حکومتک بوکی بر حاله میدان بر اقامتی منافع عمومیه ایجاباتندنر .

جهانده هر فرد کندی حیاته حاکم ایه ده بوخصوصده کی حریتی ایچنده یشادینی جیتک منافع و آهنگنی اخلاص ایتماکله مقید اولدیغندن هر حکومت اداره سنی درعه ده ایتدیک خلقی ؛ اولادلرینه ابتدائی برتحصیل ویرمکه اجبار ایتمک حقنی حائزدر . حکومتک بومداخله

هرهانکی بر رؤیاک بزه کلنجهیه قدر قوتنک برچو غنی غائب ایتمی خصوصتهک غایت طبیعی بولمسی ، کوردیکمز رؤیالره نه درجهیه قدر اعتماد جائز اولدینی پک اعلی کوسترمکده در . خبایای عالم غیبی تنویر ایله صاحبینی بعض سائرته مطلع قیلیم خصوصتهک برلمه الهیه اولمسی اقتضا ایدن رؤیاک ، حصه مزه اصابت ایدن قسمی ، اکلاشیلیورکه غایت آز ، غایت ضعیفدر . اولمه ضعیفدن استفاده فیضی ده حرکات وسکناتی مقتضای شرع انوره توفیق ایدن اصفیای امتیه کوره اولوب یوقسه مسلمانلغنی یالکز اسمنک یداماته تودیع ایله اسلامیتک کافه لوازمه وداع ایدن کیمسه لره کوره دکدر . رؤیای صادق که عالم غیبی تنویر ایدن برلمه الهیه در . اولمه ، ارباب زهد وتقوی ایچون بوقدر ضعیف اولورسه عبده نفس وهوی ایچون نه قدر ضعیف اولمق لازم کلیر بیلیم . شو حاله نظر آ اکثریت طرفندن کوریلن رؤیالرک یوزده طقسان طقوزینک حتی یوزینک حدیث نفس واضغات احلام قیلندن اولدیغنه حکمده تردد ایتمک خطا ، بویه سختی یوزده یوز مشکوک اولان شیلره اضاعه وقت ایسه سوزک قیصه سی شعار حمقادر . بز صدق وصوابی رؤیادن اول کندی نفسمزده آرامالی بز . یقظه ده کی افعال وحرکاتمز بزی وادی سلامتیه ایصالدن بعید ایکن اوقوده کی اوهام وخیالاتمزدن کرامت وسلامت بکله مک کله مک بتون معناسیله عبدر . دها طوغریسی رؤیا ایله خولیا ایله اوغراشه جق زمانلرده دکتر . عهده مزه ترتب ایدن اک مهم وظیفه یقظه ده کی افعالمز ی تسدید ایله آدم اولمه چاشمقندن بشقه برشی دکدر .

هاتف غیب سعادتکن نوای حکمتی

دیکله مزملر بر حکیمک نغمه ارشادی .

حجت نحس وسعادت عدايدرلر صکرده

قارغه مک پروازینی ، یا بايقوشك فريادینی .

فرید

تنظیم عمومی

بروغراملرک تنظیمنده حکومتک حق ووظیفه سی

منافع عمومیه تهک محافظه ومدافعه سنه عائد اولان خصوصاته انسانلر سیاسی بر طاقم غروپلره آیرلمش اولدقلرندن بو هیئتلرک ذاتمانلرینه (representant) یعنی حکومتلره تربیه عمومیه ایچون برحق تأثیر ویرلمشدر .

فقط برنسیب اعتباریله تعلیم وتربیه دن غایه ، حکومت دکل ، افراد اولدینی شبهه سزدر .

مع مافیه حکومت افراد اوزرینه برطاقم قانونلر ، اصوللر ، مجبوریتلر طرح ایتمک حقنی حائزدر . شهوت ، هر فرد حکومتیه